



JABATAN PERKHIDMATAN VETERINAR

LAPORAN LIPUTAN MEDIA

Jumaat, 19 Mei 2023

DISEDIAKAN OLEH :
**UNIT KOMUNIKASI KORPORAT,
JABATAN PERKHIDMATAN VETERINAR**

-Lembu seludup jadi pilihan untuk korban -Guna lembu seludup buat korban

MEDIA	RUANGAN	MUKA SURAT
Kosmo	Negara	Md & 7



LEMBU SELUDUP JADI PILIHAN UNTUK KORBAN

Tampung permintaan tinggi daripada pelanggan yang tempah sejak Ramadan lalu - BERITA DI MUKA 7

Bawa masuk ternakan dari Thailand tampung permintaan tinggi ketika Aidiladha Guna lembu seludup buat korban

RANTAU PANJANG - Kebanyakan penternak lembu di daerah ini tiada pilihan lain apabila mereka terpaksa membeli lembu yang diseludup dari negara jiran untuk memenuhi permintaan pelanggan untuk ibadah korban.

Rata-rata penternak menerima tempahan dan permintaan pelanggan yang mahu mengambil bahagian dalam ibadah korban sejak awal Ramadan lalu.

Kedua-dua itu menyebabkan penternak perlu menyediakan lebih banyak lembu untuk memenuhi permintaan pelanggan sehingga ke tarikh Hari Raya Aidiladha.

Seorang penternak yang hanya mahu dikenali sebagai Amir, 32, berkata, dia mengakui bahawa 15 ekor lembu ternakannya dibeli daripada penyeludup kira-kira dua bulan lalu.

Menurutnya, lembu-lembu tersebut perlu dibawa masuk lebih awal kerana dia akan menternak haiwan-haiwan tersebut terlebih dahulu sebelum menjualnya untuk ibadah korban.

"Sejujurnya, lembu ternakan yang sedia ada di sini tidak cukup untuk menampung permintaan pelanggan bagi ibadah korban. Jadi, pilihan yang ada adalah



KERATAN Kosmo! semalam.

kami membeli dan menternak lembu dari Thailand di sini.

"Lembu di sini atau di sana (Thailand) tiada bezanya kerana ia juga lembu kampung. Jadi, kaedah ternakan juga sama apabila saya akan memberi makan haiwan terbabit rumput atau

SEGELINTIR penternak di sempadan terpaksa menyeludup lembu dari Thailand bagi memenuhi permintaan. - GAMBAR HIASAN

dedak," katanya ketika ditemui Kosmo! semalam.

Kata Amir, jika tidak menternak lembu seludup, dia percaya bekalan haiwan itu tidak akan mencukupi untuk menampung permintaan pelanggan bagi melaksanakan ibadah korban.

Sementara itu, seorang penyeludup yang hanya mahu dikenali sebagai Zul, 45, berkata, cuaca panas yang menyebabkan Sungai Golok cetek ketika ini memudahkan kerja-kerja penyeludupan lembu di beberapa pangkalan haram di sini.

Jelasnya, sebelum ini, penyeludup gunakan bot untuk membawa dua hingga tiga ekor lembu untuk satu trip atau perjalanan merentasi Sungai Golok.

"Apabila paras air Sungai Golok turun sehingga 0.5 meter baru-baru ini, saya boleh heret empat hingga lima ekor lembu seberang Sungai Golok dengan hanya berjalan kaki pada satu-satu masa.

"Saya hanya akan buat dua trip sahaja sehari dan boleh membawa masuk sehingga 10 ekor dalam tempoh itu.

"Seekor lembu yang diseludup kebiasaannya seberat 200 hingga 300 kilogram (kg). Apabila ia ditenak dengan baik di sini, beratnya mampu mencecah 600 kg dan ia cukup untuk dijadikan haiwan korban nanti," katanya.

Seorang lagi penyeludup yang dikenali Nordin, 50, berkata, dia berniaga lembu yang diseludup dari negara jiran sejak lebih 10 tahun lalu dengan harga tidak lebih RM2,000 seekor.

"Bila sudah bela lembu itu di sini, harganya mampu cecah lebih RM7,000 seekor," jelasnya.

Kosmo! semalam melaporkan harga sebahagian lembu korban mencecah RM1,100 sebahagian.

Cubaan seludup lebih 26 tan keratan ayam sejuk beku gagal

MEDIA	RUANGAN	MUKA SURAT
Sinar Harian	Mahkamah & Jenayah	15

Cubaan seludup lebih 26 tan keratan ayam sejuk beku gagal



Maqis merampas ayam sejuk beku dipercayai untuk pasaran tempatan di Kompleks ICQS Bukit Kayu Hitam, Kedah, pada Ahad.

BUKIT KAYU HITAM - Jabatan Perkhidmatan Kuarantin dan Pemeriksaan Malaysia (Maqis) gagal cubaan membawa masuk lebih 26 tan keratan ayam sejuk beku dianggarkan bernilai RM234,000 dari negara jiran pada Ahad.

Ketua Pintu Masuk Bukit Kayu Hitam, Mohd Sukor Shafie berkata, kontena membawa 2,167 kotak keratan ayam sejuk beku dari Thailand itu ditahan ketika pemeriksaan di

Kompleks Imigresen, Kastam, Kuarantin dan Keselamatan (ICQS) Bukit Kayu Hitam.

Menurut beliau, hasil pemeriksaan pada jam 8 malam oleh pegawai Maqis mendapati kotak-kota berisi keratan ayam sejuk beku itu disusun di dalam kontena tersebut.

"Lebih 26 tan keratan ayam dianggarkan bernilai RM234,036 ditahan untuk tindakan lanjut kerana perakuan yang mengelirukan. "Kegagalan mengemuka-

kan maklumat yang tepat atau mengelirukan adalah suatu kesalahan di bawah Seksyen 13, Akta Perkhidmatan Kuarantin dan Pemeriksaan Malaysia 2011 [Akta 728]," katanya dalam kenyataan pada Khamis.

Dalam pada itu, Mohd Shukor berkata, jika sabit kesalahan pihak terbabit boleh didenda tidak melebihi RM50,000 atau dipenjarakan selama tempoh tidak melebihi dua tahun atau kedua-dua sekali di bawah akta sama.

Potential for added income in breeding Serama chicken

MEDIA	RUANGAN	MUKA SURAT
The Star	Nation	10

Potential for added income in breeding Serama chicken

KANGAR: Farming Serama chicken can generate additional income.

Perlis Serama Chicken Association president Datuk Zainie Abdullah said breeding Serama chicken had huge potential and one bird could fetch from RM300 to RM1,500 based on its breed,

grade, size, colour and age.

"I have met many Serama chicken breeders. They began breeding as a hobby and later, it became a source of additional income," Zainie told Bernama.

He said Serama producers need quality brood stock if they want to sell chicks at a high price.

"Quality brood stock are chicken that have won Serama chicken competitions," he said.

Zainie said to produce quality chicken, breeders could apply cross-breeding for diverse varieties. The Serama breed, which is popular in Malaysia is the H4 (fourth generation Hanuman)

breed from Kelantan.

"Serama chicken in Malaysia is well-known and sought after by enthusiasts from Europe," he said adding that a huge capital was not needed for the farming business.

"All one needs is some knowledge about breeding this variety of chicken," he added.

Potential for added income in breeding Serama chicken

MEDIA	RUANGAN	MUKA SURAT
Berita Harian	Nasional	online

Penternak 'gulung tikar', Selangor susut 600,000 ekor ayam setahun



KUALA SELANGOR: Selangor kehilangan pembekalan ayam hampir 600,000 ekor setahun apabila penternak 'gulung tikar' kerana tidak mampu menanggung kos operasi. Sehubungan itu, kerajaan diminta mempertimbangkan semula pembahagian subsidi kepada penternak ayam daging dan syarikat pembekal dengan nisbah 50-50. Keadaan lebih rumit apabila pembahagian subsidi kerajaan 80 sen untuk seekor ayam tidak sama rata dengan 70 sen kepada syarikat pembekal manakala baki 10 sen kepada penternak. Pengerusi Persatuan Penternak Ayam Selangor, Muzamri Shoib, berkata ketika ini pihaknya mempunyai 71 penternak berdaftar dengan 20 peratus daripadanya terkesan dan 'gulung tikar'. Beliau berkata, musim pengeluaran ayam turut berkurangan kepada empat musim berbanding tujuh sebelum ini.

"Dalam penternakan ayam daging, penternak paling berisiko tinggi. Syarikat pembekal lebih awal mendapat untung daripada hasil jualan makanan ayam, anak ayam, ubat-ubatan dan jualan ayam.

"Mereka untung menerusi empat sumber ini sedangkan penternak hanya mendapat keuntungan jualan ayam hidup," katanya pada sidang media selepas majlis rumah terbuka di sini, hari ini. Muzamri berkata, penternak ayam daging turut berdepan pelbagai kos seperti tanah, penyelenggaraan reban dan operasi.

"Penternak juga berdepan kos kebenaran merancang, cukai kerajaan tempatan dan pelbagai agensi lain, selain sukar mendapatkan pekerja dalam bidang penternakan serta pekerja yang sentiasa meminta kenaikan gaji bulanan," katanya.

Beliau berkata, langkah pembahagian subsidi dalam konsep menang-menang wajar dilaksanakan.

"Perkara ini berulang kali dipanjangkan kepada Ketua Setiausaha Kementerian Pertanian dan Keterjaminan Makanan tetapi tidak mendapat maklum balas.

"Ini membuatkan penternak kecewa, sekali gus menjejaskan operasi dan pembekalan bukan sahaja di Selangor, tetapi juga seluruh negara," katanya.